



FRANCE 98



b e g i r a !




Rick Browner / Ap

Bero

Beroak ez zuen atzo inolako errukirik izan inorekin gure inguruan, eta Frantzia jokatzeko ari den Munduko Futbol Txapelketan ere ederki asko astindu zuen egun osoan. Nigeriak eta Bulgariak partidua jokatu zuten orduan, arratsaldeko 5:30etan, 35 grado inguru egin zituen Parisen, Printzeen Parkeen zelaian. Jokalariek ez zuten neurketa hori jokatu eta beroari nortara edo hartara eutsi beste aukerarik, profesionaltasuna tarteko; baina ikusle argi batzuek bilatu zuten bai, alajaineta, eguzkiaren astinaldiari kontra egiteko moduko erremediorik. Goiko argazkian ageri diren hiru

ikusleek, adibidez, kapela dotorea osatu zuten txapelketaren aldizkari ofizialekin, eta itxura horrekin ikusi zuten arestian aipatutako partidua. Lepotik behera apain asko hirurak, gorbata eta guzti, baina hortik gora edozerk balio dezake beroaren eraginari nola-hala kontra egiteko. Gaur ere bero itzela espero dute txapelketaren inguruan. Kroazia-Japonia partiduan, esaterako, atzo baino bero handiagoa egin dezakeela aurreratu dute eguraldi iragarleek. Han ere, ordea, goiko horiek bezala, izango da eguzkiaren erasoari konponbide itxurosorik aurkituko dionik. Beharko.

jokotik kanpo



Javier Iruretagoiena

ENTRENATZAILEA

Inor ez Zidane ordezkatzeko

Une honetan Frantzia ikusten dut ondoen. Hasieratik neukan faborito nagusien artean, eta orain sendotu egin da uste hori. Saudi Arabiaren aurka zorte handia izan zuen, saudiarrek ez dutelako talde ona osatzen eta, gainera, jokalaria bat gutxiagorekin aritu zirelako. Baina Frantziak bi partidutan zazpi gol sartu ditu. Une honetan Frantzia oso konbentziturik ikusten dut bere jokoa. Zidane oso ondo ari da eta Henry ere bai aurrealdean. Aipagarria da, zazpi gol sartzeaz gain, bakar bat ere ez duela jaso. Horrek esan nahi du defentsan oso talde sendoa dela. Gainera, bere giroan jokatzeko du.

Hurrengo bi partiduetan Zidanek ez du jokatu. Zidane erreferentzia bat da talde

honetan, joko guztia berarengandik pasatzen da. Beste jokalaria batzuk badaude haren lekuan joka dezaketenak, adibidez Djorkaeff, baina alde handia dago Zidaneren eta beste artean. Nik uste dut hurrengo faseko lehen partiduan nabaritu delako Zidaneren falta.

Frantziako aurrelariak dagokienez, Guivarc'h eta Dugarry lesionatuta daude. Baina hor daude Trezeguet eta Henry. Trezegueti oraindik zerbait falta zaio jokalaria on-ona izateko, baina taldeak joko ona egiten jarraitzen badu, aurrelaria ere maila onean arituko da.

Beste selekzioei begiratzuz, Brasilek bigarren partidua lehenengoa baino hobeto jokatu zuen. Marokoren aurka Bebetok gola sartu

zuen, Ronaldok ere bai, eta baita Rivaldok ere. Brasil ere faboritoen artean sartu behar da. Selektzio ona da eta atzean aurkariak aukera gutxi uzten die. Horri gehitzen badiogu Ronaldo, Rivaldo eta Bebeto aurrean ondo aritzen direla, konfiantza hartzen joango da Brasil. Denilsson ere jokalaria garrantzitsua izango da. Jokalaria hau asko gustatu zait, ikusi dut atzelariak erraz gaintzen dituela.

Faboritoen zerrendan gehiago ere sartu behar dira, Alemania, Italia eta Argentina esate baterako. Betiko faboritoak dira. Jokalaria batzuk ere nabarmenduko nituzke orain arte: Salas, Vieri eta Henry golegileak, esate baterako.

saltsan

Mundiala, guda baretzeko tresna bikaina

Mundialak inork pentsa ez zezakeen eragina du. Futbol partiduak munduko azken bazterreraino iristen dira, baita gudan dauden eremuetaraino ere. Horrela, Libanoko gudaren joko arauak zeharo aldatu omen dira, Israelgo militar batek esan duenez. «Mundiala hasi denetik asko jaitsi dira erasoaldiak.

Badakigu partiduko orduetan ez digutela erasoko. Bakarrik Iranek, Saudi Arabiak eta Marokok galtzen dutenean jaurtitzen dituzte mortairuak».

x

Mundiala, politika baino garrantzitsuagoa

Politika futboleraino iristen omen da, baina Thailandian behintzat Mundialak gol bat sartu dio politikari. Enpresari handi batek bere alderdi berriaren aurkezpena atzeratu egin behar izan du.

Thailandiarrek gau osoa telebistaz partiduak ikusten ematen dute. Kartzeletan ere ez daude Mundiala galtzeko prest. Preso batzuk matxinatu egin ziren Brasil-Maroko partidua ezin zutelako ikusi.

x

Lapurrak lanez gainezka Frantzian

Frantzian ez dute oporrik hartzeko betarik Mundiala amaitu bitartean. Sektore ezberdinek euren ordutegiak zabaldu behar izan dituzte gainera etorri zaien lanari aurre egiteko. Baita lapurrek ere. Horiengatik aukera bikaina da Mundiala, eta, Polizia erne dagoen arren, lapurreta kopurua asko igo da.

x

Ronaldok eta Susanak harremana eten dute

Ronaldo eta Susana Wernerren arteko amodioa agortu egin da, Brasilgo prentsak dioenez. Ronaldok eratzunik gabe jokatu zuen azken partidua, eta Mundialean lorturiko lehen gola ez zion Susanari eskaini. Bi gertaera horietatik abiatu da Brasilgo prentsa baieztapen hori egiteko.